

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 20.11.2023թ. թիվ 2317443454 որոշումն անփոփոխ, իսկ վարչական բողոքներն առանց բավարարման թողնելու մասին

<<29>> 11 2023թ. 7-13 12080

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Աննա Ղազարյանի ՄԴ/98204-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիրի մարզ, Վաղարշապատ քաղաքի Սունդուկյան փողոցի 12ա տան բնակիչ Աննա Ղազարյանը դիմումով խնդրել է չեղարկել վարչական տույժ նշանակելու մասին 20.11.2023թ. թիվ 2317443454 որոշումը՝ նշելով, որ ոչ լուսանկարում, ոչ էլ տեսանյութում չկա ամրագրված իրավախախտումը հաստատող ճանապարհային նշան:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր

և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության Ճանապարհային երթևեկության կազմակերպման հսկողության բաժնի 28.11.2023թ. տեղեկանքի համաձայն, Երևան քաղաքի Իսակով-Բաբաջանյան-Գեղափնյա փողոցների խաչմերուկի հատվածում՝ ՀՀ կառավարության 26.10.2006թ. թիվ 1699-Ն որոշման պահանջներին համապատասխան, երթևեկության մասնակիցներին տեսանելի վայրում տեղադրված են 5.15.2՝ ՀՀ երթևեկության ուղղությունները գոտիով>> ճանապարհային նշաններ, ըստ որոնց երրորդ երթևեկության գոտուց թույլատրվում է երթևեկել դեպի ձախ (Արգավանդ համայնք) և կատարել հեղադարձ (Իսակովի պողոտա դեպի Երևան): 05.11.2023թ. վերը նշված ճանապարհային նշանները չեն բացակայել:

Վիճարկվող որոշման հիմքում դրված տեսանյութը փաստում է, որ դիմումատուին իր տրանսպորտային միջոցով 05.11.2023թ. ժամը 13²⁴-ին վերը նշված փողոցների խաչմերուկի հատվածում, երրորդ երթևեկության գոտուց ուղիղ երթևեկելով, խախտել է առկա ճանապարհային նշանի պահանջը: Տեսանյութը փաստում է նաև երթևեկության գոտիների սահմանները նշող գծանշման առկայությունը և տեսանելիությունը երթևեկության մասնակիցներին:

Այսպիսով հիմնավորվել է, որ վիճարկվող որոշմամբ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 20.11.2023թ. թիվ 2317443454 որոշումը թողնել անփոփոխ, իսկ վարչական բողոքներն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Աննա Ղազարյանին:



Ն. Սարգսյան